


青溪弄兵錄

全

内閣文庫		
番號	漢	8859
冊數	1 (1)	
函號	286	156


286-156





588-128

青溪弄兵錄



宋王彌大撰

淺草文庫

宣和二年十月睦州青溪縣石塌村居人方臘託左道
以惑衆縣官不即鉏治臘自號聖公改元永樂置福禔
將以中飾為別自紅巾而上凡六等無甲冑唯以鬼神
說秘事相扇誅數日聚惡以千餘居民掠金帛子女脅
虜良民為兵旬日有衆數萬十一月二十九日將領蔡
遵等與賊戰於息坑死之遂陷青溪縣十二月四日陷

睦州初七日歙守天章閣待制曾孝蘊以京東賊宋江
等出入青齊單濮間有旨移知青社一宗室通判州事
守御無策十三日又陷歙州自青溪界至歙州路皆鳥
道索紆兩傍峭壁僅通單車方臘之亂待制出守俱於
兩崖上駐兵防遏下瞰來路雖虻蜂之微皆可數賊亦
不敢犯境會宋江擾京東曾公移守青社掌兵者以霧
毒為解移屯山谷間州遂陷賊乘勢取桐廬新城富陽
等縣二十九日進逼杭州郡守彙城走州即陷節制直

龍圖閣陳建廉訪使者趙約被害賊縱火六日官吏居
民死者十二三朝廷遣領柩密院事童貫常德軍節度
使譚正二中貴率禁旅及京畿關右河東蕃漢兵制置
江浙明年正月二十四日城將方七佛引衆六萬攻秀
州統軍王子武聚兵與州民登城固守屬大兵至州門
表裡合擊斬首九千築京觀五賊退據杭州二月初七
日前鋒至清河堰賊列陣以待王師水陸並進戰六日
斬首二萬十八日再火官舍學宮府庫與僧民之居經

夕不絕翌日宵遁大兵入城當是時少保劉延慶等由江東入至宣州涇縣遇賊偽八大王斬五千級復歙州出賊背統制王崇王漁楊惟忠辛興宗自杭趨睦取睦州與江東兵合斬獲百七十生擒方臘及偽將相方肥等妻邵子毫二太子凡五十二人其子之號於桐梓石穴中殺賊七萬招徠老幼四十餘萬復使歸業四月二十六日也餘黨走衢婺而蘭溪縣靈山賊朱言吳邦起應之據處州剡州剡縣魔賊仇道人台州仙居人呂師

大
褒方宮山賊陳十四公等皆起兵畧温台諸縣四年三月討平之是役也用兵十五萬斬賊百餘萬自出兵至凱旋凡四百五十日收杭睦歙處衢婺六州與五十二縣賊所殺平民不下二百萬始唐永徽四年睦州女子陳碩貞反自稱文佳皇帝刺史崔義元平之故梓桐相傳有天子基萬年樓方臘因得憑藉以起又以沙門寶誌識記誘惑愚民而貧乏游手之徒相乘為亂青溪為睦火邑梓桐幫源等號山谷幽僻處東南趨睦而近歙

民物繁盛有漆楮材木之饒富商巨賈多往來江浙地
勢迂險一旦賊發焚蕩無一存者群黨據險以守因謂
之洞而浙人安習太平不識兵革一聞金鼓聲即斂手
聽命不逞小民往往反為賊鄉導劫富室殺官吏采人
以徵貨利渠魁未授首間所掠婦人自洞中逃出保而
雉經於林中者由湯嵩榴樹嶺一帶凡八十五里九村
山谷相望不知幾人會稽進士沈傑嘗部民兵深入賊
境親覩其事為予言賊之始末因稽合衆論據其實著

于篇

方勺仁聲作泊宅編此事載在第五卷嘉泰元年
四月十日王彌大約父命表姪陳知新錄出時在

金陵

宣和二年十一月睦州青溪縣妖賊方臘據幫滄洞僭
改元永樂仍妄稱妖幻招聚亮黨分道飄劫路將蔡遵
顏坦以兵五千死之勢愈猖獗二十一日陷青溪縣十
二月一日陷睦州殺官兵幾千人又陷歙州州東南將

郭師中戰死又陷杭州帥臣趙震棄城遁二十一日詔
童貫為江淮荆浙等路宣撫使譚稹為制置使王稟為
統制將兵討之同日令樞密院起東南西將第一將京
畿一將第四將前去投殺內將副如不係曾經戰陣久日
下差人抵替其軍兵仍差曾經陝西出戍人於是陝西
六路漢蕃精兵同時俱南下辛興宗楊惟忠統熙河兵
劉鎮統涇原兵楊可世趙明統環慶兵黃迪統鄜延兵
馬公直統秦鳳兵黃景統河東兵劉延慶都統制諸路

軍馬二十四日詔二浙安於承平不見兵革垂二百年
屬有狂寇竊發恃山險然念無知之人或被脅從兩州
吏民或為誑誤或因逃亡敗軍卒情有可矜困於無
告仰譚稹量度事機晚諭德意應于前項人及克賊眷
屬并見在賊中徒伴如能束身自歸或告動息捕致賊
黨並特與免罪一切不問內稍功績即優與推賞招擣
止殺以靖南土三年正月十一日詔貫稟先據潤州十
九日詔金陵乃喉襟之要當上據江寧府把鎮江次議

討賊此其上策時王稟已守揚子江口劉鎮守金陵童
貫次鎮江賊已陷崇德縣方圍秀州二十八日王稟卒
興宗楊惟忠夾擊之秀州平稟乘勝至錢塘二月賊陷
寧國旌德縣劉延慶却守金陵劉鎮移廣德軍楊可世
赴宣州合兵討擊十八日王稟統中軍卒興宗統前軍
楊惟忠何灌統後軍自江漲橋夾賊接戰屢捷克復杭
州二十七日楊可世由涇縣過石壁隘斬首幾三千級
復旌德縣二十九日劉鎮敗賊於烏村灣復寧國縣是月

福建將韓起棄衢州賊縱火屠其城餘黨逼信州又陷
處州而霍城富裘道人等用賊年號肆行剽劫東陽義
烏武義浦江金華及新昌仙居剡諸縣悉為賊占三月
十日楊可世劉鎮等克復歙州王稟等進兵離杭州復
富陽新城桐廬縣二十七日克復睦州時上又遣梁昶
押劉光世統領鄜延兵一千八百餘人至分討衢信賊
遣史珪押張思正統制河東兵二千六百餘人至分討
台越賊續又遣闕弼押姚平仲等統涇原兵三千九百

餘人至分討浙東餘黨四月一日劉光世兵到衢州賊
出城迎擊斬獲二千二百五十六級生擒賊首鄭魔王
又戰於石塘斬首七百餘級生擒五百餘人凡三日復
衢州乘勢進兵復龍游蘭溪縣十七日光世薄婺州城
下斬獲四千餘級復婺州十九日王稟復青溪縣二十
三日姚平仲復浦江縣初王稟劉鎮西路軍預約會於
睦歙間包圍幫源洞表裏夾攻至是劉鎮楊可世王渙
馬公直率勁兵從間道奪賊門嶺二十四日平旦入洞

興


縱火為號王稟幸興宗楊惟忠黃迪望燎烟而進兵劉
鎮兵合賊腹背受敵凡斬萬餘級二十六日生擒賊於
東北隅石洞中并其妻孥兄弟偽將相等三十九人其
餘黨散據皆以次平蕩時江南東道轉運副使曾昇奏
訪聞賊徒雖多全少器械惟以人衆為技本路所遣官
兵各持器械而賊徒獨以數百人前後奮拳輒困官兵
童子婦人在前飾以丹黛假為妖怪以驚我師復在巢
穴四向設險陰為陷穽又為長人服大衣作罽機以動

上執矛戟旗幟飾以丹黛為鬼神之貌以惑官兵皆不足畏必得熟知道路之人即可進入詔劄兵童貫譚稹自此賊情漸虛官兵始知所向以至擒殄閏五月十四日詔兩浙江東路被賊去處州縣新復事合防遏撫定者非一魚處州等處餘黨亦未盡平深慮宣撫制置司令同赴闕賊黨妄有窺度或致嘯聚唐平淮西以馬總治留務國朝誅農智高留余靖知廣州若宣撫司赴闕尚有殘寇譚正即當留彼三兩月措置庶得保其成功

八月二十四日方臘伏誅

青溪方臘事迹余既於方勺泊宅編錄出今觀國朝續會要二百五十三卷出師門專載方臘事則又錄出以參考前書嘉泰改元夏至日王彌大約
父書

善清書金



享和改元孟冬之月

樋口暢
片岡孝幹
全校

享和癸亥



